



Il president de Provincie on. Pieri Fontanini al è tra i firmataris, intune cul sindic di Udin Furio Hon-

Lenghe

Firmade ancje di Honsell, Compagno, Pelizzo e Genero, e je stade mandade ai Ministeris competents e ae Rai dal Comitât pe autonomie dal Friûl

Fontanini: "Difide ae Rai pe mancjade atuazion des trasmissions par furlan"

sell, al retôr de Universitât di Udin Cristiana Compagn, al president de Societât filologicje furlane Lorenzo Pelizzo e al Vicjari gjenerâl de Arcidiocesi di Udin mons. Guido Genero, de difide mandade ai Ministeris competents, a Agcom e ae Rai sul inadempiment de sede regional di chest ultime relative ae tutele de lenghe furlane. Il document al invide a adotâ duts lis misuris necessariis in materie di

particolâr, a previodi e garanti la programazion di trasmissions televisivis in lenghe furlane intal ambit teritoriâl dal Friûl. La difide, indreçade ai Ministeris de economie e des Financis e dal Interni, ae Rai (sede di Rome e di Triest) e ancje ae Agcom, e je stade butade jù dal Comitât pe autonomie e il rilanz dal Friûl in colaborazion cul Codacons regional.

- Il la indevant de mancjade atuazion de bande dal servizi radiote-

levisif public des trasmissions in marilenghe al è vilipendiôs pe nestre dignitât di popul - al dis Fontanini - . I dirits di une minorance linguistiche, fissâts a ogni nivel normatif, di chel european a chel nazional, a van indevant a jessi violâts. No viôt parè che a front di une tutele legislative cussi puntuâl si vueli continuâ cun chesta disposizion ofensive. Ciert - al va indevant Fontanini - si pues butâ dut intal cjalderon de crisi, che a

son robis plui impuartantis. Ma no bisugne dismenteâ che il dirit di un popul a viodi rapresentade la proprie identitât no je cuistion margjinâl. La Rai - al conclût Fontanini - nus domande di pagâ l'abonament; stant il fat che i furlans a metin ogni an regolarmentri chesta tasse, al sarès oportun che, pal marcul, si previodès di destinâ une part di chestis grandis risorsis pe realizazion di programs in lenghe furlane-.